

NË EMËR TË POPULLIT

GJYKATA THEMELORE NË GJILAN-Departamenti i përgjithshëm Divizioni Penal, përmes gjyqtares së vetme gjykuese Snezhana Mihajloviq, me sekretaren juridike Suzana Kovaçeviq, në lëndën penale kundër të pandehurit Sh.Sh. nga Gjilani, me mbrojtësin e tij B.Sh. avokat nga ..., për shkak të veprës penale Kanosje nga neni 185 paragrafi 2 të KPRK-së, sipas aktakuzës së Prokurorisë Themelore në Gjilan PP.nr.2316/2017 të datës 11.12.2017, që e përfaqëson Prokurorja e shtetit Sllavica Popoviq, pas mbajtjes së shqyrtimit të parë publik gojarisht, në lidhje me marrëveshjen për pranimin e fajësisë dhe dënimit të arritur në prokurori me datën 16.03.2018, me datë 24.07.2018 në prezencë të palëve publikisht shpalli

A K T G J Y K I M

I akuzuari Sh.Sh. nga babai A. dhe nëna Y., e lindur N., i lindur më ..., në ..., ku edhe jeton në rr...” ... ” nr. ..., i arsimuar, ka të mbaruar shkollën fillore, i papunë, i martuar, baba i dy fëmijëve, i gjendjes së mesme ekonomike, deri më tanë i pagjykuar, nuk zhvillohet procedurë për vepër tjetër penale, shqiptar, shtetas i Republikës së Kosovës.

ËSHTË FAJTOR

Me datë 05.12.2017, rrëth orës 16:50, në Gjilan në rrugën “ ... ”, nga shtëpia e tij, për shkak të marrëdhënieve jo të mira, në mes vete e me qëllim të friksimit ose të shkaktimit të ankthit, me fjalë të dërguara përmes sms i është kanosur seriozisht bashkëshortes së vet-tani të dëmtuarës M.K.-Sh., në Gjilan, në atë mënyrë që të njëjtës i shkruan sms me këtë “Po gabon po t’lshon zoti po del najkun pa e ditë, ose pa t’thanë une se kurgjo mos mujsha pat troshit me xhip se la me kan do që je veq num marshin milicija mem mshel me burg përjetshëm, besën po ta jap”, me ç’rast te kjo e dëmtuar kishte me shkaktuar ankth, pasiguri dhe frigë se do ta privoj ngajeta ose se do t’i shkaktoj lëndim të rëndë trupor, pasi që me të njëjtin qe një kohë kishin probleme.

-Me çka ka kryer veprën penale, Kanosje nga neni 185 paragrafi 2 të KPRK-së.

Andaj gjykata duke u bazuar në dispozitat e nenit 4, 7, 17, 40, 41,42,46, 73 dhe 74, KPRK si dhe nenit 365, 451 dhe 463,KPP të pandehurit e gjykon me

DËNIM ME GJOBË

I. Në shumë prej 250 (dyqindepesëdhjetë) euro të cilën i pandehuri është i obliguar ta paguaj menjëherë me plotfuqishmérinë e këtij aktgjykimi.

II. E dëmtuara M.K.-Sh. nga fshati ..., Komuna e Gjilanit, për realizimin e kërkesës pronësore – juridike është udhëzuar në kontestin civil.

III. Në përputhje me nenin 39 paragrafin 3 nën paragrafi 3.1 të Ligjit për kompensimin e viktimate të krimtit, i pandehuri obligohet që në emër të taksave për kompensimin e viktimate të paguaj taksën prej 30 Euro.

IV. I pandehuri obligohet që në emër të pashallit të paguaj shumën prej 25 euro dhe shpenzimet e procedurës penale sipas llogarisë përfundimtare të kësaj gjykate në afat prej 15 ditëve.

A r s y e t i m

Prokuroria Themelore në Gjilan, Departamenti i përgjithshëm, ka ngritur aktakuzën PP.nr.2316/2017 të datës 11.12.2017, kundër të pandehurit Sh.Sh. nga Gjilani, për shkak të veprës penale lëndim i lehtë trupor nga neni 188 paragrafi 1 nënparografi 1.4 të KPRK-së. dhe i ka propozuar gjykatës që i akuzuari të shpallet fajtor dhe të ndëshkohet sipas ligjit.

Prokurorja e Prokurorisë Themelore në Gjilan Ismet Ukshini në seancën e mbajtur në lidhje me marrëveshjen për pranimin e fajësisë dhe sanksionit penal të mbajtur me datë 16.03.2018, ka mbetur pranë marrëveshjes së arritur mbi pranimin e fajësisë lidhur konform ligjit dhe dispozitës së nenit 233 KPPRK, me ç rast i akuzuari është njoftuar me pasojat dhe natyrën e nënshkrimit të pranimit të fajësisë, andaj mbeti pranë qëndrimit se janë plotësuar të gjitha kushtet ligjore që gjykata në tërësi të aprovoj marrëveshjen e cekur.

Mbrojtësi i të akuzuarit Sh.Sh. avokati B.Sh. në tërësi është pajtuar me propozimin e prokurorit të shtetit që marrëveshja të aprovohet nga ana e gjykatës dhe se gjatë arritjes së marrëveshjes mbi pranimin e fajësisë i akuzuari me vetëdije ka pranuar fajësinë dhe është pajtuar me këtë, ka garantuar se në të ardhmen nuk do të ndeshet me ligjin, pasi që në mënyrë të sinqertë ka pranuar fajësinë. I akuzuari është penduar, deri sot nuk është gjykuar, andaj lutë gjykatën që të ketë parasysh këtë fakt dhe se me këtë dënim do të arrihet qëllimi i dënitit.

Marrëveshja mbi pranimin e fajësisë përmban të gjitha faktet, propozimin për arritjen e marrëveshjes për pranimin e fajësisë, njoftimin e të akuzuarit me të drejtat e tij si dhe pasojat e pranimit të fajësisë, dhënia e deklaratës me shkrim, se i njëjtë e ka kuptuar natyrën dhe pasojat e pranimit të fajësisë dhe se të gjitha këto i ka pranuar vullnetarisht.

Gjykata konstaton se i akuzuari ka arritur marrëveshje për pranimin e fajësisë konform nenit 233 KPPRK dhe e njëjtë marrëveshje është në harmoni me kushtet e parapara me pikën 12 të këtij nenit.

Gjykata vërtetoi se i akuzuari ka kryer veprën penale dhe konstatoi se nuk ka përjashtime të parapara me nenin 248 KPPRK.

Gjykata aprovoi marrëveshjen për pranimin e fajësisë të lidhur në mes të PTH-Departamenti i përgjithshëm nga njëra anë, të pandehurit dhe mbrojtësit të tij nga ana tjetër për kryerjen e veprës penale të cekur në aktakuzën PP.nr.2316/2017 të datës 11.12.2017, pasi që për këtë janë plotësuar të gjitha kushtet ligjore.

Gjykatësja individuale vlerëson se i pandehuri e ka kuptuar natyrën dhe pasojat e pranimit të fajësisë, se pranimi është bërë në mënyrë vullnetare nga ana e të pandehurit, e pas konsultimeve me mbrojtësin e tij, se i pandehuri nuk ka qenë i shtrënguar në asnjë mënyrë që të pranojë fajësinë. Pranimi i fajësisë është i mbështetur në faktet e cekura në aktakuzë, andaj nuk ekziston asnjë rrëthanë e paraparë me nenin 253 paragrafi 1 KPPRK.

Gjykata është e bindur se dënim me kusht është në harmoni me peshën e veprës penale dhe se me një dënim të tillë do të arrihet qëllimi i dënit të paraparë sipas nenit 41 të KPRK-së.

Vendimi mbi shpenzimet e procedurës penale është bazuar në nenin 451 KPRK, kurse vendimi për kërkesën pronësore-juridike në bazë të nenit 463 të KPRK-së.

Nga të cekurat e mësipërme është vendosur si në dispozitiv të këtij Aktgjykimi.

GJYKATA THEMELORE NË GJILAN
Departamenti i përgjithshëm
P.nr.1332/2017 të datës 24.07.2018

Sekretarja juridike,
Suzana Kovaçeviq

Gjyqtarja e vetme gjykuese,
Snezhana Mihajloviq

UDHËZIMI JURIDIK: Kundër këtij Aktgjykimi është e lejuar ankesa Gjykatës së Apelit në Prishtinë – Departamenti i Përgjithshëm, në afat prej 15 ditësh nga dita e pranimit të njëjtë. Ankesa në dy kopje dorëzohet përmes kësaj gjykate.

Përktheu:
Ardijana Aliu